



BOSNIA AND HERZEGOVINA
MINISTRY OF FINANCE
AND TREASURY

Broj: 05-02-1-7433-1/11
Sarajevo, 11.10.2011. godine

SVIM BUDŽETSKIM KORISNICIMA

Predmet: Instrukcija za izradu dinamičkih planova budžetskih korisnika po Odluci o privremenom finansiranju institucija BiH za period oktobar – decembar 2011. godine

Na osnovu člana 11. Zakona o finansiranju institucija Bosne i Hercegovine («Službeni glasnik BiH», broj 61/04 i 49/09), Vijeće ministara Bosne i Hercegovine, na 163. sjednici održanoj 10.10.2011. godine, donijelo je Odluku o privremenom finansiranju institucija BiH i međunarodnih obaveza BiH za period oktobar – decembar 2011. godine.

U skladu sa navedenom Odlukom a u cilju održavanja budžetske ravnoteže svi su budžetski korisnici dužni Ministarstvu finansija i trezora BiH **najkasnije do 25.10.2011. godine** podnijeti **prijedloge operativnih budžeta za oktobar, novembar i decembar 2011. godine** za tekuće izdatke (bez kapitalnih izdataka i tekućih grantova) i to do iznosa na sintetičkim ekonomskim kategorijama iz usvojenog Zakona o budžetu institucija BiH i međunarodnih obaveza BiH za 2010. godinu («Službeni glasnik BiH», broj 103/09). **Uz zahtjev je obavezno dostaviti adekvatno obrazloženje sintetičkih i analitičkih kategorija** i zajedno sa tablicama dostaviti u elektronskoj formi na CD-u. Ukupan iznos operativnih budžeta za četvrti kvartal 2011. godine ne može biti veći od 1/4 sredstava usvojenih u Budžetu institucija BiH i međunarodnih obaveza BiH za 2010. godinu. **Obavezuju se korisnici da rasporede rashode po prioritetima izvršenja, s tim da će Ministarstvo finansija i trezora BiH, s obzirom na ograničenost priliva prihoda, razmotriti predložene zahtjeve korisnika za raspored rashoda u skladu sa prioritetima izvršenja definisanim u članu 18. Zakona o finansiranju institucija BiH („Službeni glasnik BiH“, broj 61/04 i 49/09).**

U skladu sa zaključkom Vijeća ministara BiH sa 163. sjednice od 10.10.2011. godine obavezuju se budžetski korisnici da „*nastave sa uštedama na svim stavkama tekućih rashoda*“. U pogledu iskazivanja ušteta korisnici su obavezni iste iskazati u posebnoj koloni dinamičkog plana na godišnjem nivou.

Budžetski korisnici ne mogu započinjati nove ili proširene programe i aktivnosti dok se ne odobre u budžetu institucija BiH za 2011. godinu. Također, budžetski korisnici ne mogu

započinjati nove procedure zapošljavanja državnih službenika i namještenika do usvajanja budžeta institucija BiH za 2011. godinu.

Dinamičke planove (tablice) popuniti u skladu sa „*Instrukcijom o načinu izrade operativnih planova za izvršenje Budžeta institucija BiH za 2010. godinu i o načinu praćenja programa posebnih namjena*“ br. 01-05-16-3-1/10 (www.trezorbih.gov.ba). Dinamičke planove za Programe posebnih namjena finansiranih iz sredstava donacija i udruženih sredstava, potrebno je posebno iskazati i rashode rasporediti po ekonomskim kategorijama na osnovu priliva namjenskih sredstava. Započeti višegodišnji projekti, namjenske donacije i udružena sredstva, za koje su prenesena namjenska nerealizovana sredstva iz 2010. godine nastavljaju se realizovati u 2011. godini.

Na osnovu Odluke o privremenom finansiranju institucija BiH i Odluke o preuzimanju poslova, objekata, sredstava za rad i zaposlenih između Ministarstva sigurnosti Bosne i Hercegovine, Državne agencije za istrage i zaštitu i Direkcije za koordinaciju policijskih tijela Bosne i Hercegovine ("Službeni glasnik BiH", broj 94/10), u periodu oktobar – decembar 2011. godine odobren je Direkciji za koordinaciju policijskih tijela Bosne i Hercegovine iznos do 6.300.000 KM.

U skladu sa navedenim, u periodu oktobar – decembar 2011. godine, sredstva za finansiranje Ministarstva sigurnosti Bosne i Hercegovine bit će umanjena za 185.000 KM (24 zaposlena koje preuzima Direkcija), a Državnoj agenciji za istrage i zaštitu za 5.897.000 KM (766 zaposlenih koje preuzima Direkcija). Iznos od 218.000 KM odnosi se na finansiranje troškova Direkcije za koordinaciju policijskih tijela analogno odobrenim sredstvima budžetske rezerve u 2010. godini. Obavezuju se Ministarstvo sigurnosti Bosne i Hercegovine, Državna agencija za istrage i zaštitu i Direkcija za koordinaciju policijskih tijela Bosne i Hercegovine da, na osnovu usvojenog budžeta za 2010. godinu, usklade sve sintetičke kategorije po pozicijama tekućih izdataka, koje se preraspodjeljuju iz budžeta Ministarstva sigurnosti Bosne i Hercegovine i Državne agencije za istrage i zaštitu u budžet Direkcije za koordinaciju policijskih tijela Bosne i Hercegovine, i isto dostave uz prijedlog operativnih planova.

Izvršavanje Budžeta institucija BiH u dijelu rashoda operativno će se usklađivati sa dinamikom ostvarenja prihoda predviđenih Budžetom.

U skladu sa „*Procedurom za prestrukturiranje rashoda budžetskih korisnika za 2010. godinu*“ br. 01-05-16-1-1346-1/10 (www.trezorbih.gov.ba), budžetski korisnici, kojima za realizovanje rashoda bude neophodno prestrukturiranje istih, mogu podnijeti zahtjev za prestrukturiranje rashoda unutar pozicija iz usvojenog Zakona o budžetu institucija BiH i međunarodnih obaveza BiH za 2010. godinu. Ukoliko do kraja godine bude usvojen Zakon o budžetu institucija BiH i međunarodnih obaveza BiH za 2011. godinu, donesene odluke o prestrukturiranju rashoda bit će izmijenjene u skladu sa istim.

S poštovanjem,

PRILOG:

Tablice 1 – 4

MINISTAR

Dragan Vrankić